

Sarajevo, 26.04.2018. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH**

Dom naroda

n/r predsjedavajuće, g.đe Lidije Bradara

Predstavnički dom

n/r predsjedavajućeg, gosp. Edina Mušića

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno			
26-04-2018			
Prilog	Broj	Priloga	Vrijednost
01,02	- 02 -	848	/18

Aner Žuljević, delegat u Domu naroda Parlamenta Federacije Bosne i Hercegovine

Predmet: Prijedlog Zakona o izmjenama Zakona o penzijskom i invalidskom osiguranju

Poštovani,

U skladu s članom 164. Poslovnika o radu Doma naroda („Sl.novine F BiH“, broj:27/03 i 21/09) i članom 172. Poslovnika predstavničkog doma Parlamenta FBiH („Sl.novine F BiH“, broj: 69/07 i 1/08) radi razmatranja i usvajanja po skraćenom postupku podnosim: **Prijedlog zakona o izmjenama ZAKONA O PENZIJSKOM I INVALIDSKOM OSIGURANJU ("Službene novine FBiH", br. 13/2018)**

Tekst Prijedloga zakona o izmjenama Zakona o penzijskom i invalidskom osiguranju uz obrazloženje Vam prilažem na bosanskom jeziku u printanoj formi.

S poštovanjem,

Aner Žuljević

Delegat u Domu naroda PFBiH

Aner Žuljević

PRIJEDLOG

ZAKONA O IZMJENAMA ZAKONA O PENZIJSKOM I INVALIDSKOM OSIGURANJU ("Službene novine FBiH", br. 13/2018)

Član 1.

Član 116. se briše.

OBRAZLOŽENJE

I. USTAVNI TEMELJ ZA DONOŠENJE ZAKONA

Ustavni osnov za donošenje ovog Zakona nalazi se u odredbama člana III.2.e), III.3.(3) i člana III.4.j) Ustava Federacije, prema kojima su federalna vlast i kantoni nadležni za oblast socijalne politike. Federalna vlast ima pravo utvrđivati politiku i donositi zakone koji se tiču ove nadležnosti, a kantoni su posebno nadležni za provođenje socijalne politike i uspostavu službi socijalne zaštite. Prema odredbama člana IV. A. 20. (1) d) Ustava Federacije, Parlament Federacije nadležan je za donošenje zakona o vršenju funkcija federalne vlasti.

II. RAZLOZI ZA DONOŠENJE ZAKONA

Predlažemo da se ovaj zakon donese po skraćenom postupku, u skladu sa članom 172. Poslovnika Zastupničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08), odnosno člana 164. Poslovnika Doma naroda Parlamenta Federacije Bosne i Hercegovine ("Službene novine Federacije BiH", broj 27/03), jer nije u pitanju složen i opsežan zakon koji zahtijeva redovni postupak.

Član 116. Zakona o PIO-u je diskriminirajući u odnosu na one penzionere koji ne mogu i nisu u situaciji da budu izabrani na javne funkcije i nadzorne odbore, te se iz navedenog razloga i predlaže izmjena zakona kojim se navedena odredba briše.

Uzimajući u obzir da veliki broj penzionera prima minimalnu penziju, od koje je nemoguće dostojanstveno živjeti, ukoliko nemate članove porodice koji vas pomažu, smatram da je ovakva restriktivna i diskriminatorska odredba nehumana i višestruko štetna.

Brisanjem predmetnog člana se ukida uspostavljena diskriminacija, i svi penzioneri dovode u isti status kada je u pitanju korištenje prava na penziju.

III. OBRAZLOŽENJE VAŽNIJIH PRAVNIH RJEŠENJA

Članom 1. se ukida uspostavljena diskriminacija između penzionera u smislu korištenja prava na penziju.

IV. ODREDBE ZAKONA KOJE SE MIJENJAJU

Član 116

(Obustava isplate u slučaju sticanja statusa osiguranika u obavezom osiguranju)

Korisniku penzije koji u skladu sa ovim zakonom stekne status osiguranika u obaveznom osiguranju, izuzev osiguranika iz člana 12. tač. c), d), e) i f) ovog zakona, isplata penzije se obustavlja za period trajanja osiguranja.

V. FINANCIJSKA SREDSTVA

Za provedbu ovog zakona nije potrebno osigurati dodatna sredstva u Budžetu Federacije Bosne i Hercegovine, budući da ovaj zakon nema utjecaj na njegove rashode